

明季甲乙兩年彙畧

史之有述。蓋以傳今事於後來也。變亂之際。事故多端。聞見易失。誰復能核事而筆之者。知壞事之人。人私其事。行桀跖而自命爲夷由。又惟恐人之不誣夷由爲桀跖。謾言日進於盜僧。誹謗屢加於介特。是非淆亂。斯世將遂無史乎。曰否否。秦檜禁絕私史。而門下爭頌之。爲聖相。不聞後世之史。卽聖相秦檜也。枉人空自枉。是非耳。齊之太史盡死。終不能揜崔杼之弑逆。下流惡所歸。在枉人自爲之。又何恨於有史。宣子爲法受惡。不貶其賢。燕公祈改數字。祇增其醜。美惡在已。不在史也。曰惡果不可隱乎。曰不然。美惡並存。則揚美而抑惡。如必不可抑。則著其事而沒其名。亦相諱之義。非必好訐爲黷也。至于所見異詞。所聞異詞。所傳聞異詞。亦就所異同者而異同之。述者何容心焉。嗚呼。自甲申正月之始。至乙酉五月之終。兩京之陷。傷心者

不一其事自古以來國家滅亡未有如明之易易者由來之漸君子  
追嘆夫方葉溫周矣

順治改元之三秋清澤老農題於東村之月旦軒

明季甲乙兩年彙卷之一 五月朔至五月三十日止

東邨八十一老人隨筆

崇禎十七年甲申正月庚寅朔犬風震屋揚沙咫尺不見占曰風從乾起主暴兵至城破 戶侍郎胡世賞引退上獎其恬尚特准馳驛 戶部以移借派發上聞諭以防虜防河急餉准借別項還加詳酌 俟外解到日奏發 鳳陽守陵谷國珍奏報地震 建州定國號曰大清改元順治清主立尚幼叔九王理國稱攝政王以遼人范文程爲大學士

辛卯安廬撫黃報柯兵混殺放火 東江總兵黃蜚請酌用水師

兵部奏蕪湖關爲兵踞止商旅不通國稅全虧 江督袁繼咸奏報五月二十二日拜命領咨是日聞逆獻已破武昌縣六月初六日達安慶而楚之會城告陷矣恐狡賊乘虛東下江州人心警愕司吳越

之勢搖矣臣移咨皖撫調發勁兵三千爲臣臂指之使臣率陳可立親兵先到湖口遇賊狂奔乞敕左良玉先事江南掃除逆獻

壬辰吏部薦起方震孺王世英分巡兗西道諭兵部凡罪廢武

職及州澤義勇有能勵志殺賊固守城池者奏與上賞群賊擁李

自成稱王於西安國號大順改元永昌以宋獻策爲軍師牛金星爲

丞相設六政府各尚書一人侍郎二人左侍郎則皆隨征吏之宋企

郊戶之楊建烈兵之喻上猷禮之鞏精刑之陸之祺工之李振聲等

是皆明臣之降附者順賊掠河東河津稷山滎河絳州一路俱陷

癸巳戶尚書倪元璐解部任仍供講職兵科都給事陞兵部尚書

張緒彥到任吏部准司務主事官補陞知府不許南兵部奏火

藥被焚兵部舉用廢將于永綬登萊撫曾化龍請實議練鄉兵

以避客兵之害實議清野以保民蓋藏之資工科曾應璩今之

紳富皆衣租食稅安坐而吸百姓之髓者平日操奇贏以愚民而獨  
權其利臨事欲貧民出氣力相護無是理也秦藩之富甲天下賊破  
西安府庫不下千百萬悉以資賊倘其平日少所取民有事多發偏  
士未必遂至于此又聞萊陽之破以東門鄉紳張宏德利賊之退盡  
追鄉民犒賞痛管而窘迫之一家發難閭邑罹殃虜至今宏德自指  
其藏得百萬金然後闔門就戮今之紳富亦宜鑒之略借均田之法  
使富者稍捐以賑貧亦救民撥亂之策也

甲午卹保定監軍任棟死事贈光祿卿 越其杰量復冠帶効用  
福嗣王奏王寶寔係無存蓋爲世子時自竊以送賊者

乙未諭吏部前諭內外兼轉吳麟徵未歷監司不得遽陞京堂 王  
之仁周仕鳳浙江廣東各總兵 侍郎雷躍龍張維機各教習庶吉  
士 工科高翔漢言虜出口未數月忽接遼撫黎玉田永撫李希沆

揭彌復有入寇情形寧遠逼近不可示以單弱而調兵南平魯和勝  
算將爲三軍司命唐通馬科孔希貴錚錚有名鎮臣慮九德快懦已  
經議易而馬科仍調南行三軍誰爲統率

丙申兵科曾應遴言臣鄉江右自橋頭失守而賊從永破各播嶺兵  
破而賊破并及袁呂大器褊急不能駕馭左帥臣早已言之今江督  
更置之時卽合閩越之力以供虔鎮副將鄭鴻遠與芝龍兄弟緩  
急可不煩檄調有云益王走閩中建昌潰于十一月初二日撫州南  
豐同陷于初七并有言贛失守者而虔撫之報杳然矣必謂臣真同  
醉夢矣 係定撫徐奏義衿陳延祚破家蕩產厚捐全城 粵承撫  
級賊有功加陞都督僉事鎮守武岡 方國安鎮守湖廣  
丁酉方孔昭戴罪整理河北張有譽總督南京糧儲 順賊陷平陽  
沿河州縣望風瓦解皆置僞官有防禦使大尹等官

戊戌山西逃兵南下江北震恐路長飛派兵防河副將金聲桓守  
周仕鳳守泗周爾敬守清口

已亥諭在京五城兩縣各立鄉約所朝朔望集士民宣解聖祖六諭  
仍立善惡二簿咨訪孝弟節義素行端良卽行推獎其有忤逆淫蕩  
賭博拿訛者嚴懲務以民俗之淳澆定各官之殿最 貪淫大帥唐  
廷被糾革職 左副都方請核赦前舊賦官胥侵漁 山西撫蔡懋  
德奏榆林被寇諭周遇吉何故尚在寧鎮著卽日移防河沖 上召  
撫寧侯朱國弼忻城伯趙之龍來中左門 刑科郭充言賊衆入關  
憂不止秦也會賊之安危不曉則督臣之趨進無方官之聚散不知  
則三邊之征調難及賊勢之趨向不測則河東之防 徒勞必偵  
探明白使秦省無恙新督臣宜疾入居之如賊羽充斥勢難渡河卽  
應從永寧渡綏德直趨固原亦以上游馭下風聞賊入時官兵有劫



掠地方。烏駭獸散者。河東防賊不在防之河東。而當防之河西。今者賊入關一月。而地方尚爾蒙蒙。未有不知彼而能取勝者。

庚子王庭梅順天府尹。道臣潘士彥革職。予鄭友玄擒渠復城議卹。上聞遼民任姓有疏爲鼓聯義勇著通政司封進。呂大器言楚疆糜爛。楚官曾無一人舊承天撫王楊基戴罪于江。請卽改任楚撫。仍兼承天。庶殘疆不至益廢。

辛丑漕撫路振飛言淮徐道何騰蛟整頓徐方有功。今陞楚撫已成之緒恐廢。有同知范鳴珂二十年安于府倖恬守可知。卽以補騰蛟。誠可稱茲美。

壬寅總河黃希憲爲前任張國維頌勞。陝按金毓峒奏西安失守情形。著該部予馮師孔黃綱吳從義祝萬齡議卹。

甲辰召何楷來京陛見。武操臣劉孔昭爲四川提任節鉞。刑科

郭克言兩道王孫某恥於分功一疏則叙功冒廢之欺君可知孫蕃  
應與正色辭敘之詹兆恒速旌之可以留激勸也

乙巳大學士李建泰揭請出師因題用衛貞固凌駟郭中傑上諭卿  
卽整裝就行具見忠奮所請吏部卽用其中傑揀帶馬兵二百依議  
所需旂牌勘合照例速給先是上臨朝日向閣臣興嘆言賊勢如此  
關外無人承任府庫殫竭將如之何建泰曰主憂至此臣敢不竭  
力臣家在晉願以家財佐軍可資萬人數月之糧臣請提兵遂行上  
大喜慰勞再四曰卿若行朕當訪古推轂禮親餞之郊不敢輕也

楚撫王揚基言賊去岳州官兵收復王承胤掛印鎮守宣府

丙午諭兵部山東土寇出沒外解梗阻撫按全無奏聞著卽掃蕩以  
通餉道又諭寇患地方人心不固聞警逃避法紀蕩然亟行賞罰  
用示勸懲如山西保德州固守有功已命破格敘擢其倡導者不論

宗室官紳立行拏問 又諭畿南震隣紫馬龍固等關亟宜蒞備以一賊不入爲功倡義急公者奏聞紀錄 又諭秦督已至河干卽統率高杰等兵相度往援宜督星馳防河該部飛檄

丁未南嶺添兵二千加鄭鴻遠副總兵銜鎮守 工科彭官奏往者逆賊犯楚實由人心惑于三年免征一民不殺之僞示耳又見撫臣李乾德懸示免征益復勇躍倘皇上大下蠲詔通行曉諭更當何如近傳十六十七年寬赦何如寬之十八年使賊滅後猶有餘力并奇荒赤地通行酌免使老幼捧檄泣下非目前第一義乎武昌破時沿江積屍千里州縣收復原任官戴罪不敢任事必待選補選補之臣功名與性命較則輕決不赴任罪以規避而止何益于地方之緩急請查陷城各官除門迎先逃外調補無官地方以聯絡人心似爲切

以蘇松按周直糾進親害民金壇舉人虞植

少申鳳督馬士英奏太湖疎防失守 中書張同敞奏封疆失守

兵非賊命該部行檄督撫卽擒梟示 總兵高傑言逆寇業已渡江

有旨看郡邑失守情形撫按嚴飭何在高傑既稱兵精卽當聽調賈

勇破賊何待大兵四集 鄖陽推官朱翊辦奏周士奇以鄖人監賊

棄城先遁 命周遇吉馳扼係河 高傑實所部協擊 劉肇基

提督南京大教場 平陽鎮臣陳良弼批民爲前驅

已百允侍郎金之儁奏收拾人心聯絡鄉勇俱從鄉紳起江南士紳

素稱好義著撫按責成 郭中傑實授副總兵督輔守軍旗鼓

庚戌上傳二十六日行遣將禮朕御正陽樓宴餞并召五府內

閣部院掌印官侍坐鴻臚贊禮御史糾儀大漢侍衛應用法駕宴卓

該衙門預備 命查大明集禮中道將授敕告廟禮看試安行 諭

戶部邊餉告急外解不前餉臣既微卽著監臣黃家瑞督催時示

監軍霍達恭報秦中殉難諸臣命賜卹卹優卹一節新嘉坡安查姓  
氏并卹 督署白貽清侍郎胡世賞臣籍 上江蘇人領卹一節義  
知勇之士在斯則有東陽義烏昔時名將助命之臣其地重於東  
陽生員許都天性忠孝素裕韜鈴一見知人即與士卒同甘苦不用  
詐都以作率東義徵歛二方之奇才臣願以布衣奔走聯絡悉遵  
繼光法申詳約取開導忠義一歲之餘可使赴湯蹈火臣見進士姚  
奇胤夏供祐桐城生員周岐陝西生員劉湘容山西舉人韓林皆  
時有心乞頒手詔會天下豪傑則忠義知勇連袂而赴助皇上建  
業

辛亥李化熙兵侍郎總督陝西三邊郭景昌激罪起提督鴈門關  
諭吏兵刑三部舉人何剛條奏儘多可採著授職方主事卽令往  
涉義烏聯絡義勇練成勁旅以資勦寇之用 又允何剛奏許都

苛徭作何委用該部速議 戶部題請餉司依督輔所請介松年去

南戶科羅萬象極言南糧折乾之弊

壬子允李建泰揭薦布衣羅天錦如哦用介松年著以科銜催餉有

功實授 諭工部汴城水嘴日久城墻有無坍塌壞宮室有無頽毀著

察司官速往會同撫按相度城內遺費必被奸民竊收設法撈起以

充修城之用其屬藩封者卽還藩封 召忻城伯趙之龍陝按金毓

峒來中左門 田貴妃安葬 袁繼咸報履江北屯任 操江劉孔

昭言安廬池泰處處當添防兵蕪湖尤要嚴檄道府巡飭 賊破趙

城 劉孔昭殺其叔萊臣 萊臣應襲嫡嗣以幼爲孔昭父蓋臣借襲

癸丑內閣陳漢三年考滿加少保吏部建極殿廕子中書 兵部奏

李輔明抗虜血戰特贈左都督予諡 真定參將李茂春報流寇過

河平陽府縣開門盡逃高傑兵搶掠河東一帶 張縉彥言臣折自

舊撫熊奮渭潦倒之後海上僅足一族民壯則多人奴占役鄉勇則虛應故事將領則總竊虛懸參游以下皆統襍儲備則鋒朽藥銷餉

餉則奇荒大疫道殣相望豈直一方之利害而已  
乙卯論兵部淮楊爲南北咽喉宜有重兵防扼著漕督鹽法二臣增募  
太監韓贊周奏南京地震

丙辰上御正陽門樓親餞李建泰曰先生此去如朕親行建泰既行上目送之良久返駕是日復大風沙占曰不利行師進士程源謂監軍凌駟曰宜兼程直抵太原建泰奏微臣馳往太原因揭救河東分守李正修上命金毓峒監軍赴晉允正修赦罪督輔軍前效用時山西賊信涵涵建泰家存亡未卜益遲遲其行日行止三十里丁巳始傳平陽之陷都人大震建泰兵至涿州營兵三千逃回陳演揭救在獄諸臣命限十日審結其方士亮姜垓尹民興其輩經

係出 湖按黃澍奏舊輔賀逢聖從容就義命從優卹

戊午吏科李清奏監司止宜實陞有旨監司不定例起何時非代人出缺卽爲人擇官以後除邊地需才量才酌調其餘著久任不得輕移 諭應天等十三府十二年以前罪贖豁免 李建泰聞家被焚掠爲之奪氣兵過東光不戰民閉城門建泰怒留攻三日破之已未陞右庶子李明睿左諭德衛胤文羅大任 補吏科陰潤 晉王奏晉疆萬分危急 塘報賊陷閭鄉

二月庚申朔命工部尚書范景文禮部侍郎丘瑜竝兼東閣大學士 諭吏部曾纓名城屢陷革職提問 河北屯撫方孔炤謹舉屯堡應天按鄭言興屯業有實效上諭興屯原爲足國裕民若未經開墾輒議升科小民能無畏聞各撫按責成實行 諭兵科捕官節次獲賊每每欺罔鄉愚捏功冒敘該部嚴核真確方許算功不得但愚科



疏進士程源至天津勸巡撫馮元勵急修戰備與總鎮曹友義道  
臣韓文鏡等相向感憤各以兵薄爲憂

辛酉原任督師丁啓睿奏薦計處知縣夏萬亨勸農有功乞優陞副  
使不許大同總兵張報逆賊闖關順賊破汾州

壬戌兵科韓如愈言晉寇訛傳時晉已殘破諸臣相戒不欲上聞

總兵周遇吉奏保德嬰城固守內有豪衿把持劉有實專轄三關

總懷慶夜變福王同母走出東門棄母兵間狼狽走衛輝依潞王

癸亥諭部院言官論事須明白直陳近來多埋伏隱語殊非肯君之

體著嚴行警戒南戶部張慎言劾奏楊文驄貪淫不法著革職提

問主事李逢申奏勸助不若糾貪赦罪輸餉著九卿科道糾彈賊

私顯著者各摘一二人如議姜埰允予謫成邊遠將拱宸方士亮

尹氏興從輕擬杖陞戶部左右侍郎王正志三釐永

甲子戎政李國禎起追叛大捷又奏禁旅撤回收伍 命迎護益藩

歸國 山西糧儲程奏晉省鹽課欠至七十餘萬 予劉之綸諭

乙丑賊圍太原時余應桂初聞平陽破諸將皆遁太原無一兵守城  
賊圍三日以數人上城開門而入賊移檄遠近有云君非甚暗孤立  
而煬蔽情多臣盡行私比黨而公忠絕少甚至賄通官府朝廷之威  
福日移利入賊紳同左之脂膏盡竭又云公侯皆食肉純袴而倚爲  
腹心宦官悉餽糠犬豚而借其耳目獄囚纍纍士無報禮之恩征斂  
重重民有偕亡之恨人讀之無不扼腕而朝臣若處夢中惟薦某人  
營某缺門戶苞苴是務有識之士無不寒心 諭戶部邊餉甚棘外  
解不至皆由有司急贖而緩錢糧不嚴立賞罰何以勸懲以後在  
內責成部科在外責成巡按痛禁耗索完足者陞四品京堂未完九  
分者革職 中書張同廠奏楚豫僞官多係紳衿從賊宜察敘官以

諸生忠逆爲功罪下部酌議

丙寅總督余應桂報晉中瓦解上諭應桂奉命督秦何故遠奔沁澤  
前疏兵僅二百今言近千有無虛報開銷徽州鄉勇拒殺黔兵  
丁卯上召總督新舊閣臣府部院印官來中樞殿又召閣臣陳演  
戶兵部科印官來中左門陞刑部左右侍郎郝晉孟兆祥侍郎  
劉令譽奏遵旨聯絡士民又言倡輸潘雲翼等予優敘太原城風  
沙大作對面不見賊從東北角上城巡撫蔡茂德殺於南城共司道  
官四十六員尸於街巷御史熊世懿言推官倪長圩賄脫計處  
戊辰御書親敕督輔朕仰承天命繼祖宏圖自戊辰至今甲申十有  
七年兵荒連歲民罹兵戈流毒直省今卿代朕親征鼓勵忠勇選拔  
雄傑其驕怯逗玩之將貪酷倡逃之吏當以上方劒從事行間一切  
調度賞罰俱不中制卿宜臨事而懼好謀而成真勛真撫早蕩妖氛

旋師奏凱封侯晉勅銘鼎。須將代朕至意徧行示諭。建泰初承寵命。恃有家財足可佐軍。已聞家破進退失措。又不敢上辭。惟逡巡於畿內而已。劉澤清移鎮彰德。錄陳郡屠戮贈關永傑亢孟禎等卿少。

已巳閣臣蔣德璟以病召對不能趨赴。贈死事鄧錫藩王維新等。庚午諭吏部平陽副使李士焜等七人。先逃後返。已經革職著戴罪料理圖功自贖。諭戶部地方設立民壯。原以捍衛地方。乃祇供勾攝封守何裨。嚴責有司。編入鄉兵實行選練。

辛未召內閣戶兵部科及總兵吳襄來中左門。優卹殉難官劉樞閻士選王來。李祖述襲祖爵。順天撫楊素飢民焚掠。諭刑部張國維中樞溺職。一徒豈足蔽辜。又諭吳昌時依律處斬。馮源等附近充軍。財產并罪。輔延儒財產籍沒充餉。又諭周延儒見賄忘

法本當全沒財產。量追十二萬。著周正儀周奕封完納。吳昌時量追五萬。俱免籍沒。高傑縱兵東下。鳳督馬士英迎駐徐州。

甲戌賊探馬至大安驛。傳達京師。中樞持議。請敕督輔綢繆布置。時建泰尚在河間也。又請敕臨德通津昌密六處悉聽督輔調遣。賊遣僞官于山東河南州縣各處代任。每官先遣牌至州縣。士民各苦征輸之急。痛恨舊官。各借勢逐之。執香迎導。遠近風聞若狂。准成勇葉廷秀起用。

乙亥諭部院寇氛入晉。嚴輔戒嚴固圉安民。全在察吏。該撫按將所屬官嚴加甄別。必清謹循良素爲民戴者。方許留任。責令募練鄉勇。並備城守。如貪殘及闕冗者。勒令解任。或選賢能竟行推補。陞畿南河北山東總督徐標密雲巡撫宋權。

丙子戶科介松年言。士節不振。廉恥風微。倡逃迎降。出自矜紳深可。

痛憤亟宜崇獎節烈以收拾人心上是之 又諭王鰲永慶疏請纓具見忠憤但令鼓鑄伊始未便他移 吏科馬加植言皇上亦知孫傳庭憤事之因乎守關原自有餘大言一鼓蕩平明知不可爲而僥倖爲之以塞前言是以進退失據今不復以覆轍爲戒而空拳徒膺萬一晉陽與淮陽俱震則爲禍愈激非知彼知己著數也臺臣陳丹衷借兵土司之說尤當商量以數世參養之兵尚不能必其用命而向蠻夷責大義此寔難矣況不能裹糧景從則搜括不加倍乎百姓見兵過尚搖手閉戶狼兵一來保無驚竄乎狼子驕悍兩粵之間又增多事矣

丁丑河南按蘇京報賊窺懷慶 刑科孫言吳中彥父子贓銀十萬遷延五載著撫按嚴提 賊騎已叩故關將逼真定真保之間全憑道路之口京中嚴戒妄言進士程源請于內閣重賞募聞莫之省

戊寅吏部題堪任督撫諸臣。沈迅、魏公韓、孫奎、興、朱家仕、萬元吉、馬鳴錄、楊毓楫、何楷、聶明偕、周光夏、許譽卿、汪心淵、毛九華、夏允儀、王道純、詹爾選、黃宗昌、鄭之尹、王守履、李長春、毛羽健。

己卯太康伯張國紀進銀一萬兩。命進封侯爵。

庚辰驟寒大雪。凍死人無數。兵部塘報太原、汾州、潞安連陷。諭

亟訪各藩諸王下落。諭河南總兵土國寶加意整頓。立功自贖。

命內官閭國輔等資餉往薊寧等處分給。諭吏部朕念豫楚殘破

州縣料理需人。各撫按官自爲挑選。不拘科目。雜流生員布衣。但才

能濟變。卽與填用。有能倡義募兵。恢復一州縣者。卽授知州知縣功

懋懋賞。朕不爾厯。分敕內官監制各鎮。寧前高起潛、通津、臨德、盧

維寧、真保、方正化、宣府杜勛、順德彰德王夢弼、大名、廣平、閭思、印衛

軍懷慶、井文炳、大同楊茂林、薊鎮中協李宗化、西協張澤民。兵部

報鄒滕之間土寇圍聚

辛巳差內官王坤科臣韓如愈巡歷地方僅解京邊正項并改折贖及周延儒吳昌時朱大典等贓銀督解御史吳邦臣奏浙寇立剪諭部陳子龍蔣若來才長定亂作何優異先是東陽之變實王許都都故副院弘綱之孫任俠好義遠近信服縣令姚孫縑貪虐殘民借名備亂橫派各戶輸金而坐都以萬都家實中產勉輸數百金自詣告竭孫縑大怒摘都所刻社稿姓氏謂是結黨造反桎梏之時輸金者盈庭闕然沸亂有姚生者執孫縑于座按之街下笞之群擁許都爲主巡按御史左光先聞變卽調台州兵行勦所至屠掠東陽湯溪蘭溪民各保鄉寨拒敵官兵大敗光先遂以許都反聞集兵處餉人人倖功杭州推官陳子龍謂都實非反者遣生員蔣若來齎書諭之都卽率同事十三人詣杭投獄子龍爲之請光先不許悉斬之



隱孫渠之過命之復任 諭刑部張國維附和罪輔賤蔽君上本當  
重治念方士亮等輒擬著免罪候用 河南按蘇京報賊逼澤州催  
任濬速到任 薊督王永吉奏叛兵旋譟隨執諭兵部楊鶚實心任  
事豈因兵譟輒易著卽視事

壬午賊陷真定先是知府丘茂華聞賊警預撤家屬出城撫臣徐標  
執茂華下獄適標節爭中軍官不服伺標登城盡守禦劫縛出城外  
殺之劈獄請茂華出茂華遂牒所屬州縣豫叛待賊數日而賊始以  
數騎來克之地隔京城止三百里寂然無言者

癸未太監方正化奏討中軍旗鼓 漕督朱國弼淮安到任

甲申兵部張縉彥兼翰林學士 總兵劉澤清請于青登諸山開礦  
煎銀著巡按設法

乙酉諭內閣藻德陞兵部尚書兼工部總河屯練岳貢陞戶部尚書

兼兵部總漕屯練心加黎玉田右都禮部奏桂惠二藩同走粵著  
質重書慰問兵部奏操撫分任水陸鳳淮二督應援江干吳松狼  
山各將犄角港內其衿紳冊報立約各練鄉兵俱依議  
丙戌召輔臣陳演總督李國貞刑科光時亨來中左門尚書倪元  
璐爲朱大典祈減贓銀不許禮部請禁止社文

丁亥召六科十三道駙馬輩永固來中左門賜楊鶚藥餌銀三十  
兩御史李瑞和奏馮延登匿報課至七萬八千兩

戊子內閣陳演面陳引退賜路費五十兩馳驛歸時道路梗塞演以  
貧富不敢出京遷延半月而及禍魏藻德辭新銜允之并罷河漕  
之行以大理寺丞吳履中陞戶部侍郎署部事批余應桂疏應  
桂旣不入秦又不防河何故往來介霍間中軍鼓譟庸怯可知兵馬  
錢糧有無虛耗李化熙核奏論兵部寇氛孔棘秦所式不候交代

輒自離任任濬久報赴任一味退縮俱著革職濬充爲事官管事  
兵部奏戊寅以前各處曾設內監其時物力尚可支持一切中軍把  
牌尚可裕用今何時也糧餉中斷士馬虧折督撫各官危擔欲部一  
時而添內臣總監三員監視七員不惟物力不繼而事權紛掣使督  
撫得以借口士民因而驚疑不能不望聖明裁奪也

三月己丑朔諭部院廠衛捕各官譏察奸宄五城申嚴係甲之法巷  
設邏卒禁夜行尤加砮倉庫艸場召前尚書張國維庶吉士史可  
程舉人朱長治來中左門魏藻德請自出京議餉諭以在閣佐理  
兵餉著黃希憲路振飛加意諭府部寇氛孔棘戒嚴城守昌平  
兵譟焚劫官民舍一空宣府告急命都督王承胤偵賊所向命  
遣戍有罪內官宋晉等八人俱釋罪閑住

庚寅召文武大臣科道于中樞殿問禦虜寇之策奏對者三十餘人

有言守門乏員當今之急無如考選科道餘皆練兵加餉套語 議  
百官分守九門稽出入 全晉之破陷始聞 何謙以兵變聞命謙  
帶罪安職 趙京仕陞左通政 淮撫路振飛練義勇各保坊村  
辛卯加魏藻德兵尚書往天津調兵方岳貢戶尚書往濟寧督漕  
寢之 命韓王益王歸國益王時走邵武 命張國維往督浙江兵  
授朱長治職方主事 浙按左光先言董象恒撫浙著績 應  
撫鄭瑄奏補程珣兵道以督糧正急不准改 贈李繼貞右都御史  
壬辰欽天監奏帝星下移 詔封各總兵吳三桂平西伯左良玉寧  
南伯唐通定西伯黃得功靖南伯給敕印劉澤清實陞一級劉良佐  
周遇吉高傑馬岱馬科姜宜孔希貴黃蜚葛汝芝高第許定國王承  
胤劉芳名李棲鳳曹友義杜允登趙光遠卜從吉湯御蕃各陞等一  
級督撫馬士英王永吉黎玉田李希沆分別應加實署 福周潞崇

四王各棄藩南奔 內閣蔣德璟引退准馳驛回籍 吏部奏殉城  
諸臣傅梅等贈官 衛帥卜從善南奔駐宿遷

勞已命襄城伯李國楨練京營兵守西直門 命卹死事諸臣張經  
李昌期等贈官 又贈馮師孔右都黃綱太常卿祝萬齡太僕卿  
督師李建泰病其兵盡潰

甲午吏部奏大寇就殲有旨陳子龍定變可嘉著授兵科給事中周  
亮工劉令尹朱朗錄却虜全城各授試御史 大同告急命內官謝  
文舉火速赴任 召吳三桂唐通劉澤清將兵入援三桂澤清不奉  
詔惟通以千人至 李邦華請皇太子撫軍江南兵科光時亨駁止  
之 論部院近來庶績廢弛治功罔奏總由上官不行料理司官祇  
聽吏胥積蠹相仍惟賄是視以致流弊不可勝言今後堂官務要正  
已率屬左右侍郎分任料理不得優游藏拙如司官闕冗一任吏書

及殺手濟貪賄跡有據者卽指參拿問

乙未賊陷大同知府董復鄉宦韓霖俱降初賊揚言降者不殺兵民皆欲降總兵朱三樂不可有紅夷大砲在城朱命放之衆莫應朱自起燃火兵後掣之朱憤甚奪卒刀自殺撫臣衛景瑗罵賊被磔唐通陞見上慰勞再三命同太監杜之松守居庸張國維率數騎南行陞蔡鵬霄吳麟趾姚思孝各少卿

丙申賊陷宣府時叛將白廣恩以書約總兵姜瓖降太監杜勳出城三十里迎賊入城執撫臣朱一馮殺之監軍霍遠走回京兵科韓如愈奉差至東昌劉澤清遣兵殺之曰尚能論我王將否也吏部確查延安死事贈都任南企仲王道南居業焦源溥源清朱家仕各卿少都御史忻城伯趙之龍薦于仕康錢位坤才品太監報夫西難民慘毒命刊布流傳使軍民共見諭兵部賞不踰時近來每

多沉閣致使營囑有權速將積案盡覆以陞密雲撫王則堯遵化撫宋權淮撫路坐河岸以令箭約各藩船魚貫進口預給舖行供應丁酉諭戶部乘時勸糴凡勦戚及鄉紳富室商賈積粟私家至三千石者優敘又諭勦戚文武進馬助公召見庶常于中左門特命陳名夏爲修撰兼戶兵科給太監王國治火藥賊犯寧武關總兵周遇吉力戰不支闔室自焚死賊遂屠寧武賊陷陽和道臣于重華出城十里迎降重華青城人以邊材薦任者兵信屢至內閣或感額相向或談笑如常范景文數舉南遷之議方魏以爲戚與力止勿言本兵張縉彥別無布置但出示沿街擺砲置城上懸簾以待賊至而已霍達以叛兵結管報上命問蘇京下落及宋翼明何在陞工部尚書陳必謙通政使王公弼改禮部尚書王鐸有僞選淮安知府鞏克順遣牌至淮巡按王燮碎其牌細責其人逐之

戊戌朔州道報至始聞真定之陷寧武報至畿輔震動進士程源謂魏藻德曰建泰何名尚住河間其標下總兵馬稔有現兵萬人令速赴居庸與唐通協守猶可以鎮撫萬一不聽山東總兵劉澤清虛報捷賞銀五十兩又詭言墮馬被傷復賞藥資四十兩命卽扼真定澤清不從卽于是日大掠臨清統兵南下所至焚劫一空吳三桂以寧遠叛降清高起潛棄關走西山王永吉請嚴居庸守禦進封戚臣周奎爲侯遣太監徐高宣詔求助謂休戚相關無如戚臣務宜首倡自五萬至十萬協力設處以備緩急奎謝曰老臣安得多金高泣諭再三見其堅辭拂然起曰老皇親如此鄙吝大事去矣廣畜多產何益奎自具疏勉蠲一萬內監王永祚曹化淳等有助至五萬三萬者內監王之心富第一上面諭之對以家計消乏僅獻一萬其後李賊夾追之心十五萬兩金銀什物稱是周奎抄見銀五十三



萬兩什器段匹車載人皆快之。淮口擒僞官韋克順按臣王燮斬以徇衆燮自任守河托撫臣路振飛守城士民恃以屹然

已亥頒罪已之詔給城軍半歲之糧警報不一廷臣有勸上南還者上怒曰卿等平日專營門戶今日死守夫復何言諭兵部都城守備有餘援兵四集何難刻期滅寇敢有訛言惑衆及私發家眷出城者擒治吏部會議凡罪廢諸臣各復冠帶開釋以收拾人心

諭勤王兵馬雲集著太監王承恩總督王永吉節制兵部劾奏王繼謨棄信不守借題巧避著充爲事官鼓勵殺賊張鳳翔准贖徒

陳子龍改兵科給事中陞陝撫高斗樞保定撫宋祖法天津撫

李希沆通政宋學顯南尚寶程正揆周王薨於湖嘴舟中

庚子順天撫楊鄂出巡易服遁督學陳純德臨遵化中道走回京

昌平總兵李守燦自殺李國楨每事遜王承恩科臣戴明說劾之

辛丑各城門分設紅夷大砲給守門兵人黃錢一百 左都李邦華  
榜諭訛言抵罪 吏部李遇知爲御史徐必泓所論謝病不出

壬寅起舊司禮曹化淳守城 密旨收葬魏忠賢遺骸 時日色兩  
旬無光是夜風色陰慘沙塵刮天 南京孝陵夜哭

癸卯日色益晦正陽門外關神廟旗杆中毀 賊叩居庸關總兵唐

通太監杜之秩迎降撫臣何騰蛟死私遁 朝廷發三大營營齊化

門外李國楨坐城樓無所主崇禎以太監王相堯統領 總兵馬岱

自殺其妻子疾走山海關 永吉曰事如此何以自安遂度關投

三桂 有權將軍者發偽勅于十八日入城至幽州會同館繳人

爭駭之 仁和王載周 行

甲辰黎明昌平陷十二陵 嚴悉焚賊分兵掠通州糧儲 上御歷

召考選諸臣問裕餉安人 燕陽知縣黃國琦對曰裕餉不在搜括在

節慎安人繫于聖心聖心安則人安矣上首肯卽命授給事中餘遞  
朱字忽秘封達覽上驚起入內久之諭退始知爲昌平失守  
也遂夜賊自沙河而進直犯平則門竟夜焚掠火光燭天城守事  
盡歸中官莫有料理者賊徼南下清河沐陽邳州皆除僞官  
乙巳早上召文武商畧上泣下諸臣亦相向泣束手無策或言馮銓  
當起或言楊維垣當用方魏請封劉澤清爲東安伯上皆不應倪首  
書御案十二大字有文臣箇箇可殺語密示司禮監隨即抹去吳  
履中請釋繫禁諸臣納贖出董象恒郭二陽曾縲于獄復章正宸罪  
武桂冠帶午刻有數騎突至西直門始知寇至倉卒閉門傳兵上  
城每堞一人無爨食處申刻命各監內官至小豎俱乘城凡數千人  
賊攻平則門叛監杜勳射書城中約降夜漏半曹化淳開彰義  
門迎賊入守城勳衝盡逃御史王章被殺科臣光時亨迎降外城已

陷而城內竟不知。舊編釋德環被創於會館。易服潛遁。

丙午旱。喧傳勤王兵到。蘇唐通叛兵。詭言索餉也。時黃沙障天。忽而  
淒風苦雨。良久冰雹雷電交至。人情愈加惶惑。城上砲聲不絕。不入  
鉛彈。惟有空響。上又下罪己詔。盡罷加派新舊餉。近募宣武縣  
南火起。始知外城之陷。更餘傳入大內。上徘徊殿庭。亟召王承恩入。  
語移時。命亟出。整內員爲出亡計。又別傳硃諭至內閣。命成國公提  
督內外諸軍。夾輔東宮。已而呼酒與周后袁妃同坐。痛飲慷慨訣絕。  
妃先起。上拔劔刃其肩。仆后疾逐坤寧宮。自經。上復視之。曰。好好。公  
主哭不已。上叱之曰。汝奈何生我家。亦刃之。公主以手格刃。臂斷悶  
地。良久承恩復命。上卽微服雜內員。步出東華門。至齊化門。城上反  
砲擊之。不得出。齊化爲成國公所守。乃詣成國。關入。辭以赴宴。未  
歸。上嘆息起。復走安定門。門開堅不可起。天將曉矣。亟返厚載門。散

進內員。十攜王承恩竟入內苑。人皆莫知。初。殊論至閣。閣臣已出。置几上而返報。上已不知所在矣。宮中沸哭如雷。狂奔無復門限。比曉。太子雜宮人走叩周奎府門。奎臥未起。門役不肯傳報。乃走匿某內官外舍。福王寓湖壩。杜光紹園。馮元慶北至過淮。丁未。陰雲四合。城外火焰漲天。錦衣大堂出示禁訛言。叛監杜勳又從德勝門射書約降。太監王相堯領內兵千人開宣武門出。賊將劉宗敏整軍入軍容甚肅。錦衣吳孟明遇之於宣武大街。謂是援兵。問之。乃知是賊。張縉彥坐正陽門。成國守齊化門。一時俱開。二臣迎門拜降。閣臣魏藻德方傳單敕犒兵銀。有頃。守城者俱下賊登陴。斬侍郎王家彥于城樓。侍郎孟兆祥死于城門下。其子進士孟章明同母妻自殺于寓。閣臣范景文肩輿至西長安門。見人雜沸。即同寓投井死。忽傳上已出朝陽門。各官俱有奔赴行在。

想賊大呼閉門者不殺士民各執香立門門粘大書永昌元年順  
天王萬萬歲。午刻群賊擁李自成由德勝門入轉大明門遂進禁  
城李賊親射一矢於承天之門扁上太監王德化率內員門迎賊諭  
德化照常管司禮監自成方巾藍袍親奇陋眇一目軍師宋獻策  
浙人長不滿三尺軍中呼爲宋孩兒僞將軍或稱制或稱權或稱果  
毅或稱智勇其主者爲劉宗敏李牟副則田化龍李巖郭之緯白風  
賀有威董學禮我朝叛將白廣恩黑雲龍官撫民梁甫祖澤溥王琦  
黃天成分將各兵是晚尚書倪元璐偕二妾從容自縊詞林劉理  
順汪偉郎中成德俱全家自盡有田姓內官自縊于白塔巷後人入  
其室見書籍滿架多自抄者知讀書人也惜逸其名淮安西門外  
有馬兵突至劫掠婦女幼妓燕順誓拒被殺鄉民憤群聚與鬪始知  
爲馬士英標兵

戊申賊盡放馬兵入城。亂入人家。諸將軍望高門大第。卽入據之。劉宗敏據田弘遇第。李平據周奎第。平數奎平日鄙吝。督令員薪擔水以辱之。中允馬世奇與二妾同縊。勳戚惟惠安伯張慶臻新樂侯劉文炳駙馬輩永固園門自盡。賊出示令文武百官俱于次早入朝。投遞職名。又諭招集各衙門長班。使趨本官報名。賊謀大內叛。盜杜之秩曹化淳爲導。賊謂之曰。汝舊背主。賊督當斬。內衆伏地。自言能識天時。故如此。李賊叱曰。饒死去。左都李邦華縊於文丞相祠。副都施邦曜大理卿凌義渠吏科吳麟徵戶科吳甘來御史陳良謨太僕丞申佳胤考功郎許直內閣舍人宋天顯各自盡。賊大索先帝太子二王。搜得太子定王於內官外舍。太子送劉宗敏收視。定王送李平收視。永王不知所存。賊盡放貫城罪囚。張若麒侯恂選將軍參謀。若麒自稱寧錦之功。又言天下壞于黨人。賊皆然之。都

司董心葵亦自獄出備言中國情形及江南勢要自成。大賞之。天津兵道原毓宗倡降。副將金斌等皆從。津民悉順。撫鎮馮元殿曹友義逃。

己酉內閣陳演成國公朱純臣勸進不得入。諸臣投職名承天門。不開露坐以俟。近午王德化自內揚揚出。見兵尚書張縉彥呵其誤。國縉彥辨數語。德化呼從者批其頰。縉彥拚面垂涕。百官盡日無食。賊卒競辱之。庶子周鳳翔甫入。卽出歸寓自縊。主事金鉉投御河死。戶侍郎黨崇雅給事介松年御史柳寅東各方巾色衣。自西長安騎馬入內。蓋黨柳在通州降。介在保定迎降也。督輔李建泰亦于是日入城。賊禮遇之。賊授張若麒山海防禦使。龔鼎擎直指使。楊枝起文選員外。又以高翔漢爲都直指。劉世芳爲編修。二人皆陝人。陳魏二閣鎖宗敏所。魏哀求甚切。已同丘方二閣發營中。賊執



襄城李國禎至。初時悍然不跪。賊再以危言恐之。曰：「當屠一城人。」李乃跪曰：「吾爲闔城求全也。」未數日，發同諸人追銀夾三次。已闔成國公誅死。卽自縊。賊執其夫人，褫其底衣，抱之馬上，淫辱以爲戲笑。潞周諸藩行舟，皆泊淮安湖嘴。劉澤清兵頓宿遷，高傑兵頓徐州。各聲言南侵，淮民大恐。淮按王燮自謂與澤清有識，輕身詣之，勸其迴轅北上。劉不肯，大聲云：「卽不擾貴治，請假道赴揚州。」燮不可，曰：「卽不得已，迂道從天長六合行，則非我所知也。」劉允之。淮城得免塗炭。庚戌，得先帝遺魄於後苑山亭中。其亭爲內相所建者，與王承恩對面。縊焉。先帝以髮覆面，白袷藍袍，白紬褲，一足跣，一足有絛襪。紅方舄，袖中墨書一行云：「因失江山，無面見祖宗于地下，不敢終于正寢。」又一行云：「百官俱赴東宮行在。」蓋上未崩時，諭閣札托成國公輔太子正謂此。閣中未及宣也。李賊因此有疑於朱純臣，立命誅之。

賊封太子爲宋王定王爲定安公主事大足劉養良於皇極殿叩頭請誅誤國奸臣張縉彥魏藻德陳漢賊云先朝時何不言立斥之程源舟過天津馮元殿匿其舟中得南歸賊殺河間守方

文耀

辛亥殮先帝于東華門易朱漆棺與后梓宮同移佛菴惟主事劉養良以頭觸地大慟諸臣哭拜者三十人拜而不哭者六七十人條皆睥睨過之諸臣入朝聽點自成白纓帽藍布衣坐于殿左牛金星坐于殿右檻上湯臘以次唱名由西而東魏藻德首向自成叩頭求用自成旁揖之藻德請試題自成有所命藻德聽之不真又不敢再請皇遽而起祭酒孫從虔居金殿會館病臥有難料事居孫遣僕持名刺致意羅大慈即騎入內驗疾孫妻素悍迎而罵之羅命以鐵索繫其頸并昇孫遺亡書拷訊孫立死妻亦自縊于柩側乃

招承史堊寄寄多金得七十兩獻於自成由是翰林皆坐餽萬金  
簡討番陽梁兆陽首倡助與同志來住者各銀五十金家金鄰  
先投手本是日召見兆陽曰先帝無甚失德只以剛愎自用乃臣血  
脈不通以救萬民塗炭災等竝至自成曰我正爲首難是兆陽云  
主上救民水火自秦入晉歷恒代抵燕真不血刃百姓軍食盡漿以  
迎王師真神武不殺湯武不足道也自成大喜留坐賜茶等除兵政  
侍郎庶吉士周鍾學源有請奔先帝公疏授文諭院副君恩君  
恩云諸君亦是奸名之事俟牛丞相來自秦即碎其膽周鍾者故金  
壇名士爲復社之長牛金星見之呼曰此馬介生先生乎命作士見  
范致命論大稱賞之鍾逢人自誇牛老師知遇同館降賊人多舍恥  
幸生還惟鍾揚得意衆馬拜客屢過梓宮前揮鞭不顧輩中亦腹  
心之

壬子劉宗敏以人試新夾夾其隨來書役二人于大街次日卽死夾木俱有稜鍔釘相連皆入京造者宗敏門立二柱磔人無虛日日便照入西華門止四騎前導

癸丑偽禮政鞏愐示隨駕各官率耆老上表勸進愐故陝西提學俞寧牛金星河南乙卯舉人何瑞徵薛所蘊皆其同鄉媒進者皆藉二人以通于牛 有稽訪司持刺召京紳劉餘祐孫承澤南卽席卽問劉借四萬金孫二萬且曰宜早辦若遲二日卽不得從容矣 午後喚諸文官進內點名幽閉一日夜次早點過共擲八百員五人一連鎖押至劉宗敏處炙拷認賊凡十晝夜陳演夾二夾追出黃金三百六十兩銀四萬七千兩魏藻德夾二夾妻一梭其子二夾追出銀一萬七千兩李遇知二夾追出銀四萬一千兩卽死 甲寅爲勸進之始其表有云比堯舜而多武功邁湯武而無衛德周

鍾自侈爲得意之語、選陞四品以下百餘人、詞林則楊觀光、梁兆陽、改侍郎項煜、改太常丞韓四維、降修撰薛所蘊、改司業何瑞、徵高爾儼、方以智、傅鼎銓、楊廷鑑、陳名夏、如故、張之奇、爲順慶府尹、六科則申芝芳、朱徽、劉昌戴、明說、彭瑄、孫承澤、金煉、色光、時亨、時敏、改科爲諫議、止時敏降爲縣令、御史改直指使、則朱朗、錄張懋、簡蔡鵬、賈裴希度、涂必泓、韓文銓、陳羽、白吏部郎改從事、則沈自彰、熊文舉、郭萬象、王顯、楊玄錫、其餘大理卿劉大章、光祿卿李元鼎、太常卿吳家周、鴻臚卿張魯、驗馬卿宋學顯、尚契卿葉初春、學錄錢位坤、助教李森先、皆改授者、巡撫改節度使、兵道改防禦使、府爲尹、州爲牧、縣爲令、改印曰契、凡銓選皆宋企郊主之、

乙卯、吳三桂挾清騎叩山海關、賊將不能禦、報至遣唐通移兵協守、復令三桂父吳襄平書予于諭降、派餉各官亡諭用否俱責如舊、

不辦卽夾有夾於各營兵官有夾於監押健兒人人皆得用刑限內閣十萬部院京堂錦衣帥七萬科道吏部郎五萬三萬翰林一萬部曹千計勳戚無定數人財並盡英國公慘死最酷錦衣路養性輪銀三萬免夾鎮撫司梁清宏及史館辦事衛幕雜流夾俱竟日夜不放侍郎金之俊輸銀百兩健兒夾之於室相與朋飲玩其哀號淮撫路振飛會淮安七十二坊各集義兵每家或三或五刀杖俱自備每坊一生員爲社長一爲副自爲操演貴持久戒作輟日則團練夜則魚貫巡邏以備非常是日大閱舉人湯調鼎等感易戎服

丙辰李自成集宮女分賜隨來諸賊候選官求選紛紛朱企郊曰新朝當自用一番人公等解事不如赴好歸去

丁巳唐通贊吳襄書請三桂營啖以父子封侯通贊諗關王禮賢之美且言東宮無恙三桂驚喜曰願一見東宮而卽降報書復命賊計

以定王往卽日遣賊將畢定王赴通營淮上江南始傳京城失陷  
之信泉猶疑信相守淮撫路擬飛分設壯丁守城帶分守門官范  
通周守高監紀黃總撫各守一門夜宿城樓南京亦始戒嚴  
四月戊午朔南京尚書兵部史司法戶部高弘圖工部程謙吉都御  
史張慎言兵侍郎呂大器翰林署院姜曰廣太常卿何應璫應天尹  
劉士積鴻臚卿朱之臣太僕丞姚思孝吏科李沾戶科羅萬象御史  
郭維經陳良弼周元泰米壽圖王孫壽朱國昌皆告天地號召天下  
臣民起義勸王捐替逆事在籍侍郎徐人龍主事雷演祚皆檄還  
近台紹道傳雲龍駐鄉官陳西輝亦誓師期吳郡諸生王聖風等各  
有檄文淮城義士到軍門過堂路撫賞以花紅人銀一兩人人踴  
躍擢武于河上適有北來逃兵騷擾見之辟易避去李賊改大明  
門爲大順門賊頒冠服大條加雉羽于冠服方領以雲爲號收各

牙牌避自務明光安令成字、劉宗敏來詢魏藻德貴以首輔致聞

藻德曰臣本書生不諳政事又兼先帝無道遂至於此宗敏怒曰汝

以書生擢狀元不三年爲宰相崇禎有何負汝詆爲無道呼左右批

其頰仍夾不放放岳貢瑜令羈候、受刑諸臣先後不一楊汝成獻

美婢獲免不留用張忻未刑而刑其妻子輸銀萬兩始釋郝晉輸五

千兩釋不用王都三次受夾三次輸銀釋夾卽死顧鉉被夾其僕竊

賁以逃賊將遁時索賄無應受害夾之甚者大臣則李遇知王正志

詞臣則楊昌祚林增志衛胤文其未甚者金之俊王鰲永張維機胡

世安李明睿也高斗光首被追銀欲夾其子請代得免張鳳翔雷躍

龍沈維炳方拱乾楊士聰趙士錦李士淳劉明侯吳邦臣不夾收繫

畿內山東河南守令多秦晉亡賴單身赴任恣意威虐首稱助餉

於紳受脅少忤而辱隨又徵少艾專待郵傳人始情稍思舊矣、項



初賜言於衆曰大丈夫當立蓋世功名如管仲魏徵可也及拜奉  
常始沮喪南遁 朱國瑞索取義勇名冊路撫拒之

己未魏藻德被夾五日未釋而死復逮其子云無措置卽斬之 賊  
除楊觀光禮政侍郎初觀光召對賊問郊天何以不茹葷不飲酒不  
近女不行刑楊叩頭云天人一氣相感欲其志氣清明泰慈和以感  
格賊甚稱之觀光持門生刺見宗敏四轎開棍儼然部堂

庚申賊葬先帝后于田妃墳中忤作數人昇之而去並無文武內臣  
一人送之 鴻臚官在緊者悉復原官習儀以饒卽位 時降周藩

淮上者各以宮眷隨獨福王子然與常憲俊等數人流離至止鳳  
督馬士英陰使人導之偕振飛舟南行 僞官呂弼周遣牌至淮代  
路振飛王變綱責其人弼周者故河南驛傳道憲憲座師也

辛酉賊焚太廟神主 吳三桂兵破山海關唐通理降定王已至三

桂軍三桂檄賊云必得太子而後止兵 賊以何瑞徵掌弘文館瑞  
徵斂庶常裴希度等銀請牛金星至署飲到任酒

壬戌庶吉士張家玉上書於自成請表章范景文周鳳翔等隆禮劉  
宗周黃道周等尊養史可程魏學濂等賊怒縛午門外家玉請死不  
許凡三日賊喝欲磔之復不動賊云當磔其父母乃跪求免仍爲庶  
吉士玉廣東人父母在籍未嘗到京抗怯倏忽殊自無謂 濟寧城  
守粗備署道僉事王世英乘總河黃希憲南下大張僞示甘心從賊  
賊至卽以城降 臨淄濟南寇盜充斥行道爲絕 張國維過淮

癸亥李賊召父老至武英殿問民疾苦 濟南推官鍾性橫自殺

甲子鹽城王守備獲賊將董學禮及從者十三人獻於路撫悉斬之  
自成過宗徵寓見庭院夾三百多人哀號半絕李云天象示警宋  
軍師言當省刑宜酌赦之此中縉紳十之一餘皆雜流武弁及効勞

辦事人釋千餘。然死者過半矣。宗敏進所追銀萬萬。李半刑寬所進不及半。以已所有湊償。人皆稱之。

乙丑賊盡釋。諸繫者於是吳履中、張鳳翔等盡數南歸。御史馮垣登及錦衣二人以剃髮夾于市三日死。吳肇昌亦剃髮者。獨令蓄髮。侯用梁清宏體肥。釋夾即死。京營李昌齡至泗始傳京城的信息。丙寅東報已急。賊人隱之在繫者盡釋。惟留申濟芳數人各予繩自縊。死後人各加五棍。濟芳昇歸入殮。復甦。陽武侯薛濂夾數日言有藏金在窖。須自發之。賊昇往則宅已爲別將所踞。昇還即死。定西侯伏羌伯皆死于夾。路撫集淮城紳衿議事。至則出塘報于袖中。言京城已陷。代我者即至。將縛我出迎乎。抑勉力一守乎。言畢淚下。衆皆泣。馬部將莊朝梁劫單縣爲民所殺。

戊辰賊東行之期已定。取勦戚大臣皆殺之。於是內閣陳演定國徐

允祜等諸戚。晚官都指揮以上。錦衣堂上官俱死。方岳貢丘。璣子。經自縊。以戚。晚女婦配給軍卒。又押諸繫官至宗敏寓前。纍纍坐於路側。徐次取殺。一內官自言輸銀千兩。黃金九十兩。亦殺之。三鼓乃釋餘人。翰林楊仕聰等始脫。馬士英標兵抄掠淮上。

己巳。李自成出正陽門。東宮衣綠隨後。馬尾相銜。宗敏繼後。惟留李牟。牛金星守京師。周藩各眷盡以攜貲給賞。淮城各坊義士。

辛未。西長安街有私示云。明朝天數未盡。人思效忠。於本月二十日立東宮爲帝。改元義興。初宗敏嘗誅私示。慮居民數十家。今粘黃牆上。無所用法。由是駭懼。密聞于自成。有內臣至南京。始知北信已確。史可法張愼言集高弘圖。議所尊奉。時潞王福王竝在淮。詹事姜曰廣主屬福王。可法曰。在藩不忠不孝。恐難主天下。遂巡而散。

山東高苑知縣蘇方募士起義。朱國弼強取淮庫中奇銀十萬兩。

壬申李白成至密雲。何瑞徵以望日參千金星。金星論以訛言四起。各自謹慎。無事少出。由是降賊者皆生悔心。人思竊逃矣。傷防禦。呂弼周以師生視王燮。攜偽參將王宮赴任。遂擊賂眾。知安平。乃陽迎于中火。猝縛之。燮叱使跪。呂罵云。人也不認燮曰。亂臣賊子。我認得誰。令左右截其耳。燮細鞫其事。賊并問以聖上東宮。呂一字不容。解至撫院。路撫命留驛亭。懸示四門。令善射者競集。路撫舉觴勞。駱舉簪花旁立。縛二僞于柱。射者立二十步外。五人爲耦。人發一矢。不中者退。中者報名賞銀牌一。射者盡。乃命副之。眾悅。詣肆快飲。癸酉。賊大驅騾馬駱駝。載金銀往陝西。舊有鎮。庫金積年不用者三千七百萬錠。金一千萬錠。皆五百兩爲一錠。每駝二錠。不用包裹。談遷曰。三千七百萬錠。損其奇零。即可代兩年加派。乃今日考成。明日搜括。海內騷然而局鑰如故。豈先帝未親遺。藉耶不勝追慨。

矣

甲戌李自成至永平。總督王永吉以三十騎戎裝乘馬間道南下。平陽進士王道成賊授青州防禦使。單騎到任。城中人脅服不敢動。時衡藩尚在城。百姓自亂。無能擁衛者。

丙子東報益急。留守賊於城內大搜兵器。由是城門益嚴。三桂與賊將大戰於關內。日暮乃罷。路撫追漕船七百回駐清口。

丁丑三桂李賊兩軍復合戰。戰方酣。忽有白標一隊繞出吳兵之右。銳不可當。自成隨數十騎挾太子。方登廟岡觀戰。有僧進曰。此非吳兵。必東奴也。上位宜急避之。已而見白標軍如風發潮湧。所到之處。無不披靡。自成狼狽遁。路撫以漕糧四千散貧民。

戊寅李自成駐軍永平。三桂使人議和。并請太子。自成命張若麒奉太子。三桂遣使請太子。自成命張若麒奉太子。

太子卽位。自成請如約。旣盟。賊遂旋師。三桂頓兵不前。是以賊得安行。時新主未定。人望皆在潞王。高劉二鎮移書路撫。問所奉擬。飛云。議賢則亂。議親則一。現在惟有福王有勸某隨去南京扶立者。此時某一動。則淮揚不守。天下事去矣。此功自讓與。開國元勲居之。必待南都議定。不然。我奉王入而彼不納。必且互爭。是不待闖賊至而自相殘敗事矣。管王避難過淮。總河黃希憲同總兵于永綬。守軍張文昌聯舟至淮。帶有濟寧寄餉銀路撫借其一萬五千兩。南京旣傳確信。文武大臣連日會議。潞王倫次稍疎。愚王道遠難至。福王有在邸不類事。莫之敢決。鳳督馬士英獨念福王昏庸可利。爲之內賄劉孔昭。外賄劉澤清。同心推戴。必欲立之。移書宣言于南京大僚。謂以序以賢。無如福王。且責史可法當王其議。諸臣乃莫敢言。或云士英亦希立潞王。而潞王舟先發一日。且渡江。乃亟奉福王登

舟黃得功劉良佐高傑以兵護行其說非也福王舟抵儀真馬士英私致推戴之意且召劉澤清以兵南下

巳卯南兵尚書史可法治兵于浦口

辛巳劉澤清駐兵盱眙召淮撫按集議振飛變不行

壬午偽禮政府示主上不日東還該衙門速備登極儀物

癸未李自成旋師回京三桂棄定王于永平專擁太子整軍而行

一路移檄播告遠近李賊聞報大怒卽殺吳襄全家三十四口驅百

姓於崇文宣武門外毀拆民房及牛馬牆有朱帥欽者慶藩宗室

爲香河知縣棄官走吳橋僞防禦閻傑囚之於德州傑與州牧吳徵

文征比餉銀酷急貢宦馬元駱暗相糾結諸生謝陞一呼而起殺僞

徵文出帥欽爲主權稱濟王移告遠近殺逐僞官來附者四十餘州

系八月者互爲交定義走可去工上未帶劉孔聖元官呂大器不



得出言搖惑議遂定屬福王因先修武英殿

甲申吳三桂傳帖至京令百姓爲先帝服喪整備迎候東宮

賊縱

其下大肆淫掠無一家得免者南京禮部司務齋百司公啓迎福王於儀真王得啓卽行朱國弼棄淮而去淮士民歐其中軍於市乙酉高傑遣兵圍楊州困之

丙戌李自成稱皇帝位於武英殿追尊七代考妣爲帝后六政府各一赦書稱大順國永昌元年午後運艸入宮處處皆滿是夜福王泊舟於南京觀音門

丁亥昧爽李自成西奔群賊皆從牌諭百姓出城避虜數里之外卽遭殺掠隨來舊官皆有軍護新用者無之楊觀光以家眷隨賊而出至風臺被殺薛所蘊以宋軍師密令得出司務魏學濂自縊學濂素負志節一時墮悞知愧而死亦愈于觀顏求生者矣賊先于宮中

列砲放火各私寓亦放火。零賊飛馬殺人。百姓各以牀八室塞巷口。或持挺小巷突出擊之。須臾九門城樓皆火。賊東西馳走不得出。至暮胥毘城外艸場之火與宮中火相映徹。夜如白日。南京諸臣謁見福王於舟次。王時角巾葛衣坐寢榻上。舊枕敝衾尚無蚊幃也。子影空縶從行田成諸人布袍革履不勝其困。

五月戊子朔。皇太子在吳。三桂軍中傳諭京中官民各宜整肅靜俟。士民大喜相慶。原任御史曹溶自爲西城巡視。傳諸臣爲先帝發喪。設位都城隍廟。從賊官梁兆陽孫承澤高爾儼等咸在。僞直指張懋爵柳寅東韓文銓朱朗鏐各自爲五城御史受民詞核奸宄甚力。三桂兵至榆河。清國帥檄其西行追賊。三桂請護太子入都。帥不許。三桂夜送太子於高起潛所。或云潛遁於民間陰導之入皇姑寺。兩江米巷諸商合貲爲三桂家發喪。每棺衣衾各費百兩。是日

福王自三山門登陸。由城外至孝陵。從西門入享殿。然後詣懿文太子寢園。瞻禮畢。從朝陽門進東華門。步行過殿陛。謁奉先殿。出西華門。以內守備府爲行宮。文武官進見。王惶赧欲避。史可法言。殿下宜正受誠意。伯劉孔昭暨諸勳侯。人人自有德色。無復翼下。群臣退議。先上監國璽綬。而後勸進。乃卽範金鑄監國之寶。

己丑南京諸臣謁福王於行宮。魏公徐弘基先致詞。靈璧侯湯國祚卽許戶部措餉不時。其詞憤絮。太監韓贊周叱之起。呂大器呵言此非對君體。御史祁彪佳言。紀綱法度爲國之本。吏科李沾言。朝廷宜肅彪佳又言。宜早頒大號。王皆允之。群臣退議。登極。張慎言曰。國虛無人。可遂卽位。可法密曰。太子存亡未卜。倘北將挾以來。奈何。劉孔昭曰。今日既定。誰敢更移。可法曰。緩幾日無妨。又議卜相。群推可法及高弘圖。姜曰廣。而以冢宰屬張慎言。慎言曰。吾老矣。願安于處。

憲徐弘基曰張公內閣高公冢宰似極相宜劉孔昭樣曾欲得內閣  
可法曰本朝無勳臣入閣例孔昭曰卽我不可馬士英有何不可諸  
臣默然又議赦書蠲免可法曰今天下半壞正賦有限軍餉繁費恐  
未可盡除又議起廢競推劉宗周徐石麒等孔昭特舉阮大鍼等可  
法曰此先帝欽定逆案勿庸再言北京城中人延頸望東宮之至  
諸臣凡欲南歸者各思希恩于新主遂停留不行錦衣賂養性與吏  
侍郎沈惟炳約諸臣明日爲先帝位于午門行哭臨禮隨備法駕迎  
東宮于朝陽門

庚寅南京諸臣進監國寶於福王王行告天禮孔昭復請卽登大位  
彪佳曰監國名甚正禮部魏國皆然之乃定馬士英率高傑等擁  
兵臨江稱十萬衆欲威劫留都諸臣文武臣會推史可法高弘圖馬  
士英皆兼東閣大學士張慎言吏部周堪賡戶部各尚書又推詞林

姜曰廣王鐸爲東閣。高劉二帥書至請可法渡江。欲其卻權于土英也。北京諸臣俱赴朝哭臨畢。卽隨駱養性所整園簿迎候于朝陽門外。傳呼太子至。多官望塵俯伏。及登輿。乃胡服頤且懸。若知非東宮也。各駭愕而退。及城門。吳兵前導者城上已滿插白標矣。清國來者爲攝政王。入居武英殿。侍郎王鰲永從入見。見上下同坐于地。乃潛走出。

楊仕聰曰三桂西不能制順。東不能抗清。姑靜俟焉。以待順清相逼。徐觀鷸蚌之持。亦未爲大失也。乃束身歸清。予以復仇之名。使得闖入順雖西遁而京師爲清有矣。東宮定王。禍不旋踵。吳襄被戮。殃及全家。揆之忠孝。有何當焉。南中不察而沾沾三桂之功。吾不知其何功也。若以此爲功。然則盤踞二東。忽焉南牧。渡河涉江。金陵不牢。亦謂三桂有功于明歟。

壬辰高傑兵大掠江北聲言欲送家安頓江南約劉澤清刻日南渡  
允可法議發戶部一萬兩遣職方郎萬元吉前諭各鎮分別犒賞  
以張應元爲承天總兵淮坊義士擒亂兵三十餘人路撫不敢問  
縱之北京沈惟炳王鰲永金之俊投職名入內攝政王令各官俱  
照舊又具勸進表上之攝政王閉門不出其內院大學士范文程接  
見笑曰此未是皇帝吾國皇帝去歲已登極矣何勸進之有於是傳  
攝政令自初六日始爲先帝設位帝王廟哭臨三日隨謚謚號議葬  
隧俟事畢削髮十五日朝見禮侍郎楊汝成稱典禮浩繁不能獨任  
內院卽令惟炳推補點用侍郎李明睿擬上先皇帝后謚曰端廟號  
懷宗庶吉士高珩李呈祥訪鰲永議歸鰲永曰今日何所逃素夷  
狄行乎夷狄耳高李出城被劫因留滯通灣范召詞林官止高爾儼  
應命議修崇禎史爾儼曰詹翰一體請盡召之明日何瑞徵等皆入

楊昌祚林增志以傷重告假。范許之。范上虞人。瀋陽衛籍。其祖鏖兵部尚書。自瀋陽陷。歷官至此。每日坐午門右夾室。同坐三人。中乃真虜也。故學士倪元璐家人具呈扶柩回籍。范差官執令箭送至灣。倪夫人肩輿出城。如曠見焉。三桂追李賊戰于保定。勝之。明日追至定州。奪其駝馬。又三日及于真定。逐之出故關而止。李賊過關與整隊西行。

癸巳兵侍郎呂大器轉吏部。起練國事。戶部賀世壽。刑部何應瑞。工部各侍郎劉士禎。通政使高傑。兵圍楊州日久。城外廬舍焚掠殆遍。楊人厚犒之不去。江南北大震。北京爲吳歸先帝之始。五城御史監肅諸儀曹溶等五人。因攝政王有照舊之言。儼然卽真。朱朗鑒者宗室子。出示稱順治元年奉旨。若無更易者。仕賊如熊文舉。楊枝起。朱徽輩咸同哭臨。河北山東府州縣各殺賊所署僞官。以稱起。

義居庸巡撫何謙自北亡命道德州濟王留之共事尋送之南行  
臨清舖商留閣部監紀凌駟起義舊侍郎張鳳翔亦起義東昌少  
卿萬元言楊州臨淮六合所在兵民相角兵素少紀律民近更乖  
張一城之隔民以兵爲賊兵以民爲叛環攻弗釋臣等雖有愛民之  
心斷無銷兵之術

甲午史可法議防江設水師五萬添二鎮將置地分守仍以文臣操  
江協事衡王殺僞官于青州清國封吳三桂爲平西王成國  
勳衛朱元臣浦口渡江自言雜擔夫出京來奔楊仕聰家眷出北  
京城門生方大猷以家丁護送大猷者薊州監軍隨三桂降清令守  
通州也楊州士紳王傳龍奏東省附逆河北悉爲賊有淮揚人自  
爲守不意賊警未至而高兵先亂自傑渡河掠徐至泗至楊四廂之  
民何啻百萬殺人則積尸盈野淫汙則辱及幼女詎奈傑之必得在



新舊之城環圍絕糧已經月餘何不恢已失之州邑而殺自有之良民也

乙未起劉宗周左都御史張慎言薦起顧錫時等起倪嘉慶華允誠葉廷秀補吏部司官江南撫鄭瑄奏報江北潰兵連騎數萬皆欲渡江三吳百姓呼吸變亂臣駐師江干遣書高劉二帥不肯止兵請敕操江武臣速援京口鳳陽參將戈士凱報劉澤清兵沿路殺劫逼攻臨淮敕御史祁彪佳等分行安撫楚督袁繼威請入覲止之并諭鄭鴻逵留駐九江

丙申瑞王避兵入重慶奏聞馬士英自請入朝拜疏卽行

丁酉楚撫何志堅奏鄂岳恢復方國安冒功混報又奏左良玉復德隨戶科羅萬象劾方孔炤屯撫河北寇至而踉蹌遁歸又蒙面補官李沾張元始沈胤培左茂弟鍾斗李清爲都給事中羅萬象陸

朗熊維典張希夏轉左右陳泰來錢增姜應甲馬嘉植王士鏐黃雲  
師爲給事中

戊戌莫安二后御容遣韓鵬二官行禮莫安二祖御容遣公徐侯  
柳伯方行禮尚書張慎言陳士議命趙光遠鎮守四川貴省  
民何兆仰作亂清國令虛燕城之半以屯兵盡驅民出城自是縉  
紳雜出槩不致詰吳中士民焚掠仕賊官項煜錢位坤宋學顯湯  
有慶四家

己亥史可法請增文武重臣經理招討撫寧朱請裁漕運總兵  
濟寧鄉宦潘士良約回兵入城殺僞將僞道回兵長楊朴奉潘爲總  
河而自爲總兵清將吳三桂旋師入燕

庚子張國維原官協理戎政起徐石麒左都御史解學龍兵左侍郎  
張有譽督倉侍郎王廷梅應天府尹郭維經府丞朱之臣太常卿左

茂第少卿李沾提督四夷館少卿吏部欲以李沾爲操江沾故善劉孔昭懼分其任乃求可法得典屬國維經積勞于扞捫都人賴之驟難其代令仍攝巡視沾嗾維經劾冢宰有私旋知誤引罪而沾憾冢宰不已以其清望不敢顯忤因加色于少宰呂大器思逐之召王重補稽勲時銓曹乏員張慎言以重金壇可立至故推之李沾言不可是受我贄四十金者慎言曰僕起家三十年所贄十二金而止公安得以四十金贄乎僕老矣須舊銓郎乃解事又地近其人廉否僕自有提衡不能混也沾益銜之召謫籍科道章正宸楊時化袁愷莊贊猷熊開元姜埰馬兆羲詹爾選李長春張煊鄭友玄李模喬可用李曰輔史可法言從來守江南者必于江北當酌地利急設四藩以淮楊泗廬自守而以徐滁鳳六爲進取之基兵馬錢糧皆聽自行征取而四藩卽用黃得功高傑劉澤清劉良佐爲我藩屏固守江

北則江南之人情自安黃得功已封伯似應進侯傑澤清良佐似應封伯左良玉恢復楚疆應炤得功進侯馬士英合諸鎮之功爵賞似難異同盧九德事同一體聽司禮監察敘又奏四鎮不可無督師應駐揚州居中調遣四鎮各自畫地轄淮海者駐淮北海邳沛贛十一州縣隸之經理山東一帶轄徐泗者駐泗水徐泗宿亳豐碭十四州縣隸之經理開歸一帶轄鳳壽者駐臨淮壽潁等九州縣隸之經理陳杞一帶轄滁和者駐廬州廬巢無爲十一州縣隸之經理光固一帶每鎮額兵三萬人本色米二十萬折色銀四十萬其鳳陽總兵應改副將一員馬士英營兵由淮赴江達南京共一千二百船王燮駐清江浦冷淮坊義士排立兩涯不許一舟停泊一人登岸凡三日而畢

辛丑起許譽卿爲光祿卿

壬寅福王卽帝位于武英殿以明年爲弘光元年進內官韓贊周秉  
筆司禮盧九德提督京營仕賊臣項煜自北逃歸混入朝班

癸卯命馬士英掌兵部仍入直佐理士英未嘗奉召自入朝不欲出  
鎮史可法知其意自請督師江北以避之顧錫疇尚書禮部黃道

周高倬吏工部各右侍郎羅大任祭酒左茂第右僉都巡撫應天侯

峒曾左通政鄭瑄大理卿故御史汪承詔自言僞政府點用堅拒

南奔高傑頓兵揚州城下撫臣黃家瑞漫無主張道臣馬鳴騶晝

夜督民守城有進士鄭元勳親詣高營解紛隨入城勸家瑞放傑兵

入城便可貼然士民譁曰城下殺人如是元勳不見耶元勳強與傑

辯衆怒群兵毆之血肉狼籍死鳴騶疾走泰州

甲辰忻城伯趙之龍提督戎政起田仰撫淮揚以劉孔昭力薦也

召袁繼威陛見僞將劉暴隨僞鎮董學禮出攜敕五道送高傑

得功劉伊盛劉肇基徐大受得功執以聞

乙巳通政劉士禎請嚴封駁參治之令。時行宮前章奏雜投御史朱國昌亦言班制宜肅。祭先恭王太妃于行宮。職方郎中萬元吉言。臣奉命犒師。沿途兵民違禍寸步皆阻。楊州民尤甚。閉城登陴已十餘日。乃兵與民相殺。兵又與兵相殺。成何紀律。頃接水營將張士儀言。寇奔清河。官兵擊燒賊船殆盡。若高劉黃諸將潛師以濟。一鼓殲之。即可稱中興第一功也。初黃得功分地楊州。高傑劉澤清以繁富爭之。縱兵淫掠。楊人大鬩。得功兵至天長。傑澤清欲拒。又值李棲鳳高文昌兵至。衆心洶洶。元吉移得功書。期共獎王室。得功自明無他。亟欲聯絡殺賊。元吉以書馳示傑等。始肯相戢。然傑部悍終不自制。澤清才數百人。掠瓜洲一空。進封黃得功左良玉爲侯。封高傑興平伯。劉澤清東平伯。劉良佐廣昌伯。史可法請發銅甲銅鍋。

倭刀團牌紅夾砲并色絹白布。一應軍需。詔戶部卽給。史可法辭朝。命文武官郊餞。自可法離京。劉孔昭略無忌憚。而高張俱不能安其位矣。

丙午。史可法請撥劉肇基于永綬。李栖鳳卜從善。金升垣俱隸標下。馬士英奏大計五款。一聖母流離。可密諭高傑。部將衛迎。一皇考追尊位號。遷梓宮南來。一皇子未生。卽敕慎選淑女。一諸藩失國。恐有奸宄扶之。不利社稷。宜迎奠京師。

丁未。劉孔昭言封疆失事。各官不在逆案之下。吏部毋得混推。史可法開薦舉人李遷。主事何剛。軍前監紀。叛將李承勛。寇掠清河。王燮調兵禦却之。

戊申。禮部請補曆官。

己酉。令應天府祈雨。淮撫宣登極詔書。於民有新舊錢糧。赦免之。

條衆情歡騰。午刻盧太監引兵一千。要進城中。士民大震。路撫再三求免。馬士英入直。劉孔昭故善阮大鍼。必欲起之。因詔有逆案。不得輕議之語。而慎言秉銓持正。度難破例。置酒約諸侯伯廷論之。必欲逐去冢臣。而後可。惟我所欲爲。靈璧侯忻城伯皆諾之。

庚戌早朝畢。孔昭挈湯國祚趙之龍合奏。慎言排忽武臣。專選文臣。所推吳甡有悖成憲。真奸臣也。慎言立班不辨。大學士高弘圖言冢臣自有本末。何遽殿爭。上諭文武官各和衷。勿偏競。孔昭袖中取出小刃。遂慎言于班。泣陳醜詈。必欲手刃之。太監韓贊周叱曰。從古無此朝規。乃止。慎言出。卽引疾乞休。孔昭退奏。慎言推補倖惡爲舉。吳甡鄭三俊更爲可異。慎言原有二心。告廟決策。阻難奸辨。乞大查乾斷。收回吳甡陞見之命。重處慎言爲欺君悞國之戒。高傑疏言奉旨分防楊儀。人人登陴罷市。撫道不出。僞將董學禮又入宿遷。臣



進退無所。乞賜應住何地。劉澤清奉旨駐淮安。未至。士民皆懼。辛亥。高弘圖奏言。文武官各有職掌。毋得侵犯。卽文臣中各部不得奪吏部之權。今用人。乃張愼言事。劉孔昭一手握定。非其所私。卽謂之姦。臣等皆屬贅員矣。吳姓鄭三俊五朝人望。票擬實出臣等。竊念朝廷之尊。尊於李勉。今宸陛幾若訟庭。臣媿死無地。請賜罷斥。姜曰廣亦引疾求去。上遣鴻臚官敦諭。設勇衛營。太監韓贊周節制之。都督徐大受兼總兵。鄭彩分管水陸舟師。潞王安頓杭州。壬子。加恩翼戴諸臣。公徐弘基伯劉孔昭方一元焦夢熊郭祚永侯朱國弼柳祚昌湯國祚太監韓贊周盧九德各陞賞世廕。淮北人擒僞官武懷解至撫院。路撫於懷有舊。不忍遽殺。乃下之獄。常熟士民焚掠仕賊官時敏家。三代四棺俱劈毀。

癸丑。上召輔臣高弘圖姜曰廣馬士英于行宮。上謂弘圖曰。國家

故倚賴良多。先生何言也。對曰。臣非敢輕去。第用人一事。臣謂可勲臣。謂不可。是非淆亂。臣何能在位。上曰。朕于行政用人。未習。卿等所言。無一不從。勿疑有他。弘圖曰。冢臣張愼言。清正有品。吏部以用人爲職。無一日不用人。是無一日不修職也。如推劉宗周、黃道周。使勲臣處之。亦必藉重。何獨以爲罪。吳姓前任撫按。俱有聲。又清望。先帝簡在內閣。督師稍緩致譴。先帝殺延儒。不殺姓。卽可知其人。假先帝在。今亦必用之。何勲臣以此罪冢臣也。北京失節之臣。不可用。江南見存無幾。又不合勲臣之意。將誰用乎。若曰武職。則有兵部在。不當亦責冢臣也。弘圖又言。近臣貪黷狀。上曰。朕固聞之。諸臣通賂出之袖中。誠可嗤也。時屢召對。先後無虛日。或一日再召。上亦有意爲明主。至馬士英當國。直高拱聽之。不復知外邊事矣。

甲寅。命部司清查十七年練餉。盡數起解。明年全免。吏部張愼言。

請亟求罷斥。以服世臣之心。李沾言勳臣憤擊有因。當中府聚會。馬士英手札移呂大器迎立皇上。贊周孔昭無不允協。黎明集議。大器縮禮兵二部紆迴不前。臣等十九人。以名帖延之。從容後至。議至日中不決。孔昭怒形于色。臣與郭維經陳良弼周元泰朱國昌歷階而上。面折大器。贊周云。快取筆來。因得俛首就盟。清晨迎駕。大器尚欲停待。而贊周已登舟矣。偕行者徐弘基陳良弼朱國昌也。文臣啓事屢登武臣封爵未定。所以有殿上之爭也。

乙卯馬士英奏吳三桂之捷。命封薊國公世襲。戶部發銀五萬兩。米十萬石。責令沈廷揚送與之。張慎言奏。臣按河南時。曾劾布政馮明盛倡逃。其子馮銓作相。嗾其門生曹欽程參周宗建。李應昇黃尊素以及臣。三臣皆死獄。而臣戍肅州。先帝召陞刑部侍郎。以擬獄不當。閑住十餘年而復起。今待罪銓曹二十日。遂爲孔昭所指。止有一

去而已吳姓鄭三俊閣臣薦於前科臣薦於後兩人者行已有恥臣  
能保之孔昭指爲小人亦硜硜之小人非反覆之小人也僞官至陽  
城臣子履旋投崖而死孤孫尚幼國難家變慟無生理臣當與緇黃  
爲侶矣侍郎賀世壽言今日更化善治莫若肅紀綱而慎刑賞口  
頭報國河上擁兵恩數已盈功名不立人主輕此名器矣至于艸澤  
語難實煩有徒未見兵勇殺賊但見兵來虐民小民不恨賊而恨兵  
甘心舍順而從逆不肖有司日刑剝其民而求爲保障必不可得也  
御史陳良弼言科臣李沾薦人調停從來誤國宿套

丙辰御史朱國昌論山東督撫丘祖德輕棄地方 陳子壯尚書禮  
部徐汧吳偉業少詹管紹寧詹事陳盟右庶子 路振飛大享士于  
淮安府學中敘向來有功文武官八十餘員路與王燮親自安席觀  
者鼓舞已而振飛爲馬士英所論得旨提問闔城不平尋以士民公

疏得免旋丁艱去王燮又爲御史陳丹衷薦陞巡撫山東士民奪氣  
劉澤清遂營窟於淮城中田仰與之猶鼠山東又不可往王燮遂巡  
於河上而已

一卷異同補

襄城伯李國禎掌領營兵。並無寄籍。上信任之。國禎諫上曰。臣兵未嘗不強。苦無飽耳。初議食民守城。魏藻德曰。民若上城。見賊懼怕。一人立脚不定。大事去矣。上然之。禁民不許登城。太監王德化謂吳璘徵曰。守城人少。柰何。宜請添之。璘徵步入朝。遇藻德。語之故。藻德曰。上方休息。不必入也。手挽之出。及外城。隨閣奔告上。上曰。大營兵何在。李國禎練兵何往。閣曰。皇上安得有兵。李營兵已散。惟勸皇上走耳。杜勛從賊至城下。呼王太監。絕城入。講或欲留之。杜云。我家萬歲威勢頗強。秦晉二王在側。不反命者。立屠京師矣。遂縱去。一鼓上召戚臣劉文炳。鞏永固。帶家丁護出城。劉鞏曰。臣等何敢私蓄家丁。即率家人。何足以當賊。乃罷去。上急進酒。歡至。連皇后自縊。上手辦公。主坤儀公主年十四。亦手刃之。上易微服。與王承恩欲奪門出。不得。

城上已懸白燈三矣。城陷之時。李國禎就擒。追賍掠剝而死。成國公朱純臣。同輔臣陳演。言勸進定國公徐允禎守德勝門。降與成國同日誅。英國公張世澤。陽武侯薛濂。清平伯吳遵周。太康伯張國紀。博平侯鄧振明。駙馬冉興讓。都督周鑑。李國柱。俱掠死。閣下陳演斬死。魏藻德杖下。丘瑜方岳貢各。縊。部大堂李遇知。馮垣登王都。顧鏐彭琯。俱拷掠死。

錢穀曰。誤國者李國禎。魏藻德。是辱國者朱純臣。陳演。獻國者內臣曹化淳。王相堯。內臣尤無人心。未危時。已有題殿壁云。此處不留人。自有留人處。皆跛足望賊主矣。杜勛至呼賊為我家高。賊異哉。

殉國者。世臣則宣城伯衛時春。率妻孥共投大井。無一存者。彰武侯楊某自盡。戚臣則新樂侯劉文炳。一自其已嫁之妹。歸呼妻孥悉避。楊

上大小男女凡十六人共燔火中其弟劉文耀投井死忠安伯張慶  
璠閭門自焚駙馬鞏永固公主樞尚在寢子女四人以繩繫之觀旁  
聚古玩書畫積薪共焚錦衣王國興危坐中室自焚內閣范景文吳  
梅人先不食三日城陷即投夾巷大井死一妾即縊於夫人樞前李  
士倪元璐上虞人先為劉孔昭論削勦王起補戶尚書賊入整冠束  
帶望闕四拜自縊三日面如生左都李邦彙吉水人癸未詔辟臣條  
奏理財要務邦彙言比年科目炒出寅緣不若才賄無收各議納銀  
有差國家三百年取士之科雖以虛名相冒然幸名存以養人廉耻  
今名實盡亡壬午鄉試應天三十浙中二十七餘皆貨取也平時表  
為名士而列魁者亦不免焉云皆發憤之實言也賊勢急邦彙請  
太子南行光時亨駁止之城陷拜文丞祠正坐飲桑柘副都施邦曜  
餘姚人癸未冬條奏時事大要言行取不宜額以推知憲選銓曹當



歷外任。庶考選不皆賄行。而要拒不肯中飽。城隍日與倪元璐對飲。果題作詩云。漸無半點匡時難。惟有一死酬君恩。遂自縊。學士周鳳翔。山陰人。作書寄父母自縊。諭德劉理順。杞縣人。天子親擢。第一年。踰艾矣。與妻妾子女七人並縊。僕四人亦共殉。庶子馬世奇。無錫人。置周易金剛經。司經局印牙牌於案。拜之。遙拜其母。裂帛自盡。二妾隨之。簡討汪偉。休寧人。嘗書郎壁云。看世不破。為世所弄。聞入。即趨。吳甘來所約同死。題與繼室耿氏同飲。正左右懸於堂中死。戎改侍。即王家彥。莆田人。守德勝門。縊於民間空屋。刑侍郎孟兆祥。澤州人。曾為魏奄禰職。子章明。觀政進士。父子女姪。一時自盡。大理卿凌義渠。烏程人。以書辭父。即命左右勒已。繫之憲檣。奮身而絕。太常少卿吳麟徵。海鹽人。會試放榜之夕。夢人以文信公句贈之云。山河破碎水飄零。身世浮沉風打萍。因拈之。銜城陷。悉出寧垣。時距稿付僕。有

繼太僕丞申佳胤。永年人。聞變自縊。戶科吳其來。新昌人。沐浴水冠。拜闕自縊。御史王章。武進人。同光時。亨巡城。賊上城。時亨降之。賊三問章不降。斫死。御史陳良諤。鄆人。與妾同縊。御史陳純德。零陵人。順天提學。撤考回京。縊。考功員外許直。如皋人。城破後。人傳言帝從齊化門出走。直嘆曰。干戈四面。駕將焉往。即緘書付僕達父。作詩六章。入室取練作環。一手持練尾。一手上握自縊。武庫郎中成德。北戴懷遠人。曾為倪元璐章疏。溫相惡之。及為滋陽令。強填答司府隸。巡按禹好善。誣其貪酷。逮下獄。其母疏寃不得入。道辱溫。相於長安門。事聞。杖德六十。謫戍。尋召補兵部。城未破。致書馬世奇誓死。已哭帝梓宮於茶庵。歸自刎。母妻及未嫁之妹。同時自殺。車駕主事金鉉。順天留守衛人。上命巡視皇城。方衣冠入內朝點軍。聞賊入。遂投御河。從者挽出之。後自投溺死。母童氏。妾王氏。弟生員銓。皆投井死。光祿署

丞子騰蛟順天監生服冠服呼妻亦服礼服同縊副兵馬姚成餘姚  
人儒士內閣中書宋天顯松江人監生皆自縊錦衣南堂指揮李若  
理順天籍守崇文門作絕命詩有云死矣即為今日事悲哉何必後  
人知自縊死其弟若珪仕清為禮部尚書錦衣街道房千戶高文采  
字宣武門父子一家十七口皆自殺狼籍於路居民田氏闔門自焚  
李小槐順天民妻杜氏二子二女一婢妾次縊畢小槐乃縊生員曹  
文曜妻張氏原籍蘇州故進士曹子登之後生四子遜甫被殺一女  
順張氏率子女哭於家祠文曜父妾姜遜妻李殺妻鄧順及乳母孟  
與肅敬八人同縊殺及肅妻周繩斷不死而逃遜自刎不殊賊搜其  
家財釋之在外死者獻破斬守道許文岐被擄不屈殺於麻城獻陷  
麻城教諭蕭頌聖自殺獻掠武昌故輔賀達聖投墩子河死楚府長  
史徐學顏署江夏縣與賊格鬪斬左臂右手持刀不仆賊支辭之斬

人朱士為被斬所親。後以為總兵官。士與戰于大馬。戰去左右。朱  
之江濱。野縛草於臂作書畢死。獻陷承天。宋一鶴自刎。賊圍保定。御  
史金敬嗣分守西門。賊執之。挾入三皇廟。謁偽將。蘇綱奮拳仆賊。校  
井死。妻王氏入監室自縊。姪振孫武舉。登城射賊。應矢立斃。城陷。衆  
解戎衣自匿。振孫不肯。曰。武夫本色也。賊大呼於衆曰。鄉官子弟可  
速就刑。振孫曰。我金御史姪也。賊支解之。蘇綱子墨媳陳氏。故進士  
陳士章孫女。年十八。與其祖姑張氏。毋楊氏。姪常氏。三世四人同時  
投井。張氏抱其孫於懷同下。侍婢四人亦從而下。

東邨老人曰。自殺與被殺。同為捐生之人也。一捐生則名義兩全。  
忠節不失。其於此生無憾。於一代有光矣。嗚乎。匹夫匹婦名湮沒  
而死者甚多。不傳耳。

吳三桂字長白。高郵人。遼東中後所籍。父襄字向環。起家武科。官都

指揮使鎮守寧遠崇禎十七年正月調襄入京三月議撤寧遠并召  
三桂來及行而都城陷闖命諸降將招三桂令襄亦書諭之三桂統  
師入關至永平沙河驛縱兵肆掠而東損兵山海先是十六年春田  
呈親遊南京挈名妓陳沅顧壽而止田還京病死三桂使人持千金  
賁陳沅去闖入京師推將軍劉宗敏繫吳襄索沅不得拷掠酷甚三  
桂聞之益募兵至七千據山海叛闖闖殺襄家屬而繫襄東行四月  
十九日攻山海城圍之又從關西一片石出口東突外城薄關門三  
桂窘先已召兵蒲州至是趨之至初疑不敢進駐兵歡喜嶺而高張  
旗幟以待三桂突圍出外城馳入蒲兵壁中見九王稱臣遂覘其首  
三桂為前鋒九王為後隊英王張左翼統萬騎從西水關入裕王張  
右翼亦萬騎從東水關入於是三桂復入關盡覘其民開關門延敵  
關倖戰乍止遂無戰意立梟吳襄首懸之高旂而逐逐兵清其逆孽

擊關兵大敗李遂京復棄京西奔三桂揚言奉太子入京即位五月  
三月九王遂入京師

錢觀曰陳沆身價千金皆有司歃朴萬民之膏血也遂以殺吳襄  
一家不血刃而易中國之天下其果傾城何如以一婦人而忠孝  
兩病矣

李自成初名鴻基采脂縣雙泉堡人萬曆丙午生祖海父守志世農  
頗饒至自成負債受過於父同知遂行劫已已賊渠高氏稱闖王自  
成往依之與其黨劉良佐自結一隊曰闖將丁丑孫傳庭破殺高氏  
自成竄西川走苗城戊寅張獻忠曹操九股在房竹山中自成來附  
獻忠謀殺之覺而遁獻忠者秦人號八大王洪承疇擒之而後縱焉  
曹操者本羅汝才與自成劉國龍同依高氏高被擒汝才走楚已邠  
國龍降自成潛渡入豫計取洛陽群盜復轅自成遂為闖王張忠反

附之。辛巳，傳宗龍殺劉國龍，自成破洛獨雄一部。汝才敗稱曹營，圍汴七日，陳永福從城上射中自成左目，幾死。舊臣丁啟睿率諸將左良玉、虎大威等，集兵朱仙鎮，全師皆潰。六月，獻忠走勦西關，曹分兵東南下，敗官軍於棗陽，復回棗。郢城一戰，賊果折傷。適秦撫兵又敗於襄城，敗資其甲馬火炮，乘勢破歸德，圍汴梁。官軍敗績于水坡。壬午五月，決河灌汴，而斬黃之寇，復與圍合。諸渠帥皆戴關王，則賀一龍、老徊、徊則馬守應、胡關則蘭養成、爭世王賀錦、治世王劉希堯，皆為關偏裨。及破襄陽，下荊州，合兵鄖陽，圍令徊守夷陵，以犯漢。當革趨德安，以窺黃麻。癸未三月十日，闖設酒縛革。明日，猝至曹營，斬羅綱在澤間，變圍調其兵回寇，不從。闖既廣收部曲，設偽號，自稱倡義大元帥，為一品，權將軍三品，制將軍三品，果毅四品，威武五品，皆將軍。六品都尉，七品拿統，八品都總，九品哨總。所授將帥，田見秀刺

宗敦賀錦張亮守素李思忠

今可藏李夏任繼榮

故行

芳亮劉希亮馬世雄劉汝魁

向鴻鶴劉體仁田虎李遇

自成一集

能馬重倍楊彥

故將

趙應元朱

養民范鼎舉

故將

共兵二百三十餘

陳總計馬步兵六百餘萬每隊立一標旂行營望之而走標營用白

旂而旗皆用黑左右前後分用黑白紅黃色而素隨之自壬子年夏

破刑初改防禦使府尹州牧縣尹至癸未正月欽天監博士楊永裕

授關更設六政府侍郎即中從事諸官屬侍郎則喻上

幸未

蕭愿

坤

而辰

楊承裕

即中徐丘

五家杜

鄧岩中從事顧君思部附龍付制

升防禦則孟長庚陳蓋

雒陽人甲

李

之綱

吳大雁黃閣金有章府尹

則張虞機姚胤錫牛任劉蘇郊璉劉茂先初闢之橫嶺中原所破城

敗不守至荆遂有守土之志於是使任光榮守剡蘭養威守夷陵王

文耀守澧白旺守安陸其雲林守荆門謝應龍守漢川馬世大守景



陵高一功守信陽周鳳梧守禹州

故參

自閹犯禁以來人心惶懼所

在皆棄城走張獻忠樂機攻取壬午六月破黃安十二月破黃梅癸

未正月破蘄荊王補選三月蘄水鄉宦周之仕勾賊破城已陷黃州

黃陂鄉宦歐陽玖迎賊四月攻麻城破之遂從岳陽洲渡江掠武昌

境殺傷殆盡沿江積屍千里闖遺書獻獻早辭以答求彼此為援十

月闖破潼關進攻西安破之改西安為長安府十一月考州縣生員

一等與六政府屬二等與州縣三等與佐雜是月攻榆林不利再攻

乃克又攻慶陽亦克十二月初五發兵入漢中獻自岳渡江至荊與

回賊合闖復及兵至韓城渡河破平陽蒲州鎮將高杰聞闖渡河於

是退兵於澤州沿途大掠甲申年正月闖僭位於西安國號大順年

號永昌初三日領衆二萬從禹門渡河陷臨晉河津絳州諸城垣曲

知縣趙隆表二月十二日到黎城十五日破太原十六日到忻州進

攻代州五臺知縣投降。三月攻寧武。屠之。初七日至大同。總兵姜勳降。初九日破宣府。總兵唐通太監杜勳迎降。十六日破昌平。十七日攻京城。十八日破外城。東直門首降。十九日晨。德勝平子順城齊化正陽五門一時俱開。自成遂入。二十三日。成國公朱純臣輔臣陳演率百官勸進。不允。宮人有竇氏者甚寵之。誦曰竇妃。四月十七日。改大明門為大順門。二十六日。關從山海關歸。二十七日。忽傳登極。百官朝賀。預設鹵簿於城外。劉宗敏先已射傷。眠長卓上。抬行。用被疊覆手足而出。各兵俱束馱金帛於騾馬。紛然西去。二十八日。關已潛遁。二十九日。焚宮殿。後隊至午刻盡出。又三年。自成病死於羅公山。其姓一隻虎。以帝禮塋之。即率衆降於何騰蛟。

東村老人曰。自成入京。大顙。眉黃巢。蓋盜賊之性。本無霸王之畧。或者天畀內外臣貪風熾。特生此惡魔。以蕩滌之耳。

一云自成少與衙卒李固鉄冶劉斌政結好。暴于鄉里。後隨衆作賊。戕寅寇襄。敗于左帥。奔穀城。獻賊資以甲冑走均。賊王光恩降。朝勸憐之。俱自成不應。去之。鄖屏跡山中。不出者二年。庚辰。楊嗣昌搜捕之。自成潛逃洛下。飢民從者數萬。辛巳正月。破洛。殺福王。散粟賑。濟連破汝州。歸德。圍開封。覆官兵二十萬于朱仙鎮。左帥盡失其軍。壬午冬。自成據襄陽。改稱襄京。設六政府。分兵下承德諸郡。築長圍困王光恩于鄖。癸未四月。孫傳庭師覆潰潼關。自成入西安。三秦傳檄而定。榆林不下。屠之。甲申正月。長戈指關矣。自成死。猶李過于李錦。號一隻虎。奉成妻高氏渡洞庭。踞山寨。隆武遣馬吉祥招之。賜錦名赤心。氏忠義夫人。隆武既沒。堵胤錫以來。曆閩部撫湖南。赤心就招。稱臣。然桀驁甚。在營稱氏為太后。具疏稱自成為先帝。朝議隱忍聽之。何騰蛟以閩部督師。輕騎詣赤心營。會師取長沙。封赤心與國侯。